



Aðalfundur Vestra

haldinn á Hótel Ísafirði mánudaginn 22. maí 2017 kl. 20.00.

Á dagskrá fundarins eru hefðbundin aðalfundarstörf samkvæmt lögum félagsins.

1. Fundarsetning, kosning fundarstjóra og fundarritara.

Hjalti Karlsson, formaður Vestra, setti fundinn og lagði til að Óðinn Gestsson yrði kjörinn fundarstjóri.

Samþykkt með lófaklappi.

Óðinn tók við fundarstjórn og gerði tillögu um að Ingi Björn Guðnason yrði kjörinn fundarritari.

Samþykkt með lófaklappi.

Því næst bar Óðinn upp eftirfarandi bókun um lögmæti boðunar fundarins:

„Borin er upp bókun til samþykktar í upphafi aðalfundar Vestra 22.maí 2017. Í 6. grein laga Vestra er kveðið á um að í fundarboði skuli tilgreint hvenær frestur til að skila inn framboði til formanns rennur út. Það var ekki gert og harmar aðalstjórn mistökin. Fundurinn hinsvegar samþykkir frávikið og dæmir fundinn löglega boðaðann.“

Bókunin samþykkt einróma.

2. Fundargerð síðasta aðalfundar lögð fram

Hjalti Karlsson lagði fram fundargerð stofnfundar Vestra sem er aðgengileg á heimasíðu Vestra. Engar athugasemdir gerðar við fundargerð stofnfundar.

3. Formaður félagsins gerir grein fyrir starfsemi aðalstjórnar á liðnu starfsári

Hjalti Karlsson gerði grein fyrir starfsemi aðalstjórnar á fyrsta starfsári Vestra. Vísað til skýrslu stjórnar sem er aðgengileg á heimasíðu Vestra.

4. Lagðir fram endurskoðaðir ársreikningar félagsins.

Guðni Ólafur Guðnason gjaldkeri Vestra, lagði fram endurskoðaða ársreikninga og fór yfir helstu lykiltölur í rekstri félagsins. Vísað er til ársreiknings félagsins aðalstjórnar sem aðgengileg er á heimasíðu Vestra.

Fundarstjóri opnaði fyrir umræður um skýrslur stjórnar og ársreikning félagsins.

- Guðný Stefanía Stefánsdóttir, formaður HSV, kvaddi sér hljóðs. Hún þakkaði aðalstjórn fyrir gott starf á fyrsta starfsári. Guðný spurði því næst út í lið á fjárhagsáætlun sem snýr að félagsgjöldum en þar kemur fram að tekjur af félagsgjöldum verði kr. 200.000. Hún spurði hvernig ætti að útfæra þetta.

Óðinn benti á að fjárhagsáætlun sé til umræðu undir dagskrárlið sjö.

Fleiri kvöddu sér ekki hljóðs.

Fundarstjóri bar upp til samþykkis endurskoðaða ársreikninga félagsins.

Samþykktir samhjóða.



5. Ákvörðun félagsgjalds

Aðalstjórn Vestra leggur fram eftirfarandi tillögu:

„Aðalstjórn Vestra leggur til að árlegt félagsgjald verði 2000 kr.“

Tillagan samþykkt samhljóða.

6. Fjárhagsáætlun lögð fram til samþykktar

Fundarstjóri gaf Guðna Ólafi Guðnasyni orðið og minnti hann á spurningu Guðnýjar Stefaníu sem fram kom undir fjórða dagskrárlið varðandi félagsgjald. Guðni nefndi að í fjárhagsáætlun er gert ráð fyrir því að tekjur af félagsgjöldum verði 200.000 kr og sé þetta gjald hugsað sem tekjustofn til að standa undir rekstri félagsins.

Fundarstjóri opnaði fyrir umræður um fjárhagsáætlun.

Birna Lárusdóttir og Guðný Stefanía spurðu úr sæti um nánari útfærslu félagsgjaldsins. Hjalti Karlsson svaraði úr sæti þess efnis að í lögum félagsins væri kveðið nánar á um félagsgjöld og að ætlun stjórnar væri að afla fleiri féлага.

Fundarstjóri bar áætlunina upp til samþykkis.

Samþykkt samhljóða.

7. Lagabreytingar

Aðalstjórn Vestra leggur til að 2. gr. laga félagsins, sem fjallar um merki og búninga félagsins, falli út í núverandi mynd og hljóði svo:

„Merki félagsins er stórt blátt V með rauðum borða, sem á er ritað nafn félagsins. Meginlitur búninga er dökkblár og rauður. Aðalstjórn er heimilt að leyfa undantekningar, s.s. að aukalitum sé bætt við. Aðalstjórn skal setja reglugerð um bæði merki og búninga.“

Fundarstjóri bar tillöguna undir atkvæði.

Samþykkt samhljóða.

8. Kosningar

- a) Kosinn formaður.
Tillaga um Hjalta Karlsson. Samþykkt með lófaklappi.
- b) Kosnir þrír stjórnarmenn til tveggja ára í senn
Tillaga um Guðfinnu Hreiðarsdóttur, Sigurð Jón Hreinsson og Pétur Markan. Samþykkt með lófaklappi.
- c) Kosnir tveir varamenn til eins árs í senn
Tillaga um Jónas Gunnlaugsson og Jónu Lind Kristjánsdóttur. Samþykkt með lófaklappi.
- d) Kosnir tveir skoðunarmenn reikninga og einn til vara
Tillaga um Ingimar Halldórsson, Ásdís Birnu Pálsdóttur og Gísla Úlfarsson til vara.
Samþykkt með lófaklappi.
- e) Kosning fastra nefnda er aðlafundur ákveður. Engar tillögur um fastar nefndir liggja fyrir fundinum.



9. Önnur mál

Kristján Þór Kristjánson kvaddi sér hljóðs. Hann vildi koma á framfæri tveimur atriðum. Kristján hvatti nýkjörna stjórn til að halda áfram vinnu við að koma upp fjölnota íþróttahúsi og lagði áherslu á að slíkt hús nýttist ekki aðeins knattspyrnunn heldur íþróttahreyfingunni allri. Hann brýndi stjórn til að halda þessu máli á lofti áfram með enn meiri þrýstingi. Þá vildi hann einnig hvetja stjórn til að vinna að því að áfram yrði haldið með tilraunaverkefni sem hófst í vetur um frístundaráttu á milli Bolungarvíkur og Ísafjarðar enda hafi rútan gagnast iðkenndum og foreldrum afar vel. Rútan hefur til að mynda bætt mætingu á æfingar og gert starfið auðveldara í alla staði. Hann þakkaði sveitarfélögunum Bolungarvík og Ísafjarðarbæ fyrir sitt framlag til að gera ferðir rúttunnar mögulegar.

Birna Lárusdóttir kvaddi sér hljóðs. Hún þakkaði fyrstu stjórn Vestra fyrir vel unnin störf og óskaði nýkjörinni stjórn velfarnaðar. Hún nefndi sérstakleg að afara vel hafi verið haldið utan um starf félagsins og að sér virtist sem sérstaklega vel hafi tekist til í þeim efnum. Jafnframt nefndi hún að mikil ánægja væri innan körfuknattleiksdeildar félagsins með samstarf við aðalstjórn.

Hjalti Karlsson kvaddi sér hljóðs. Hann þakkaði hlý orð í garð stjórnar og hét því að áfram yrði haldið á þeirri vegferð sem mörkuð var á fyrsta starfsári. Hann vék sérstaklega að hvatningu Kristjáns varðandi knattspyrnuhús og áréttaði að aðalstjórn er fullljóst að þetta er ekki einkamál knattspyrnunnar heldur íþróttahreyfingarinnar allrar. Hjalti vék að því að könnun hafi leitt í ljós að 15-20% tíma í Íþróttahúsinu á Tofnesi myndu losna ef knattspyrnan færi þar út og að það muni um minna í þéttsetnu húsi. Þótt viðræður standi yfir við bæjaryfirvöld sé ekki enn búið að samþykkja byggingu hússins af hálfu bæjarins. Hann lagði áherslu á að stjórn Vestra muni áfram þrýsta á að bæjarstjórn samþykkji byggingu hússins og að áfram yrði unnið að því af krafti. Hann vísaði að öðru leyti í skýrslu stjórnar um þetta mál.

10. Fundarslit

Fundarstjóri bar upp tillögu um að fundarstjóra og ritara yrði falið að ganga frá fundargerð sem síðan yrði birt á vefsíðu Vestra. Samþykkt samhjóða.

Því næst gaf hann Hjalta Karlssyni nýkjörnum formanni orðið. Hjalti þakkaði traustið sem honum var veitt. Þá þakkaði hann samstarfsfólki sínu í stjórn og stjórnnum deilda fyrir samstarfið á fyrsta starfsári Vestra. Að því loknu sleit hann fundinum.

Fundi slitið kl. 20:45

Óðinn Gestsson fundarstjóri (sign)
Ingi Björn Guðnason fundarritar (sign)